

大清詔令

大清詔令卷之八目錄

廢斥東宮詔

復立東宮詔

再廢東宮詔

六旬聖壽恩詔

皇太后遺詔

上孝惠章皇后尊諡升祔詔

聖祖仁皇帝遺詔

廢斥東宮詔

奉

天承運

皇帝詔曰朕承

天眷命

祖宗弘圖四十八年於茲宵旰孳孳不敢遐逸所敬

惟

天所重惟民每念天生民而立之君無非欲其愛養

黎民俾無失所故於四方閭閻情形用咨博訪

纖悉周道凡有可以厚民生補凡極困民者不惜數

千萬帑藏以博施濟累歲減免獄獄所全活者
不下數千百人良以君道在于愛民此帝王之

常經

祖宗之家法亦用以垂示後人使知所則倣也胤初
自立為皇太子時勤諭教並簡名望大臣為之
講明性理歷有年所顧秉性乖戾固體朕心違
背朕訓雖愆咎日積尚冀其悔悟自新屢次南
巡江浙西巡秦晉及皆命胤初隨行原望其諳
習地方風俗民間疾苦乃輒強勒督撫大吏及
所在官司索取財賄所用宵小匪類尤恣意誅

求肆行殺戮。夫地方物力皆屬小民脂膏。朕屢諭胤初宜加節儉。爾乃窮奢。縱慾逞惡。不悛既已。苛索外吏。復奪取外藩入貢馬匹等物私用。內外庫帑為數甚多。流毒且民。安所底極。邇來暴虐恣淫。過彌端著。自諸王以及大臣官員。悉被非理凌虐。橫加捶撻。向因索額圖常奉交通。設謀朕洞覺其情。置索額圖於死。而胤初時蓄怨于心。近復有過近慢城。裂縫窺伺。中懷叵測之狀。凡此舉動。類為鬼物所混。狂易成疾。書曰。天視自我民視。天聽自我民聽。人心所惡。天心

厭之。

宗社事重，何以承祀。朕圖維再三，萬不獲已。於康熙四十七年九月十八日奉

皇太后慈命，告祭

天地

太廟

祖宗，特行廢斥拘禁，所以仰安

宗祜。俯慰臣民也。茲歷指廢斥之由，宣示中外。又因

胤礽貪暴縱恣，被累者多，深切軫念，爰敷寬恤之深仁，並布普施之德意，用弘懷保。至被褻區

所有事宜開載於後

一國家設立之官，以為朝廷耳目，原欲其守正無私，不畏強禦，使奸宄不致容隱，下情不壅。上聞斯稱廢職，三十六年曾有諭旨，自皇太子諸王及內外大小官員所為貪虐不法，比附黨援，必大破情面，指寔指泰，即朕躬有失，亦宜進言，決不加責。乃近來揆拾細故，大事曾無摘發，嗣後應精白一心，直抒忠悃。凡關係國家休戚、民生利病，務期悉意盡言，勿得顧畏，瞻徇以辜言責。

一這次行在地方大臣官員兵丁及四省兵丁皆以翼主上宣力力危衛天竭忠勤伊等姓名悉經登記應加優賚以昭朕眷念勞勩之意

一凡與胤初黨援交結暗于兩間潛行構陷及與索額圖常泰等通同內黨之人現經提拏外其畏威附合無黨謀顯迹者一概寬免不究

一胤初屬下人員有倚勢強霸斫民人口房產者著通行祭明一概給還

一內外大小文武官員畏懼亂初給與財賄及
斫下人後挾詐誑騙財物者念係強取畏威
給與之人以概免究

一亂初私動庫銀數千萬修造工程着落金寶
等賠償運庫俱着察明豁免

一在內商人因借帑未完現在拏禁若其中有
亂初勒買物價銀一萬六千三百餘兩着察
明開除將拏禁之人釋放若償抗未能足數
仍另行追取又商人銀兩私借於人因取償
未獲控部拏獲者甚多亦着通行釋放各照

原立文約從容追取

一江南浙江二省今歲俱有被災州縣應酌留清糧為平糶散賑之用每歲應截留若干石該部確議具奏又浙省餘杭等州縣秋月狂風暴雨致民間屋廬傾圮生齒仳離江舡漂損人口淹沒田禾悉被災傷殊可憫惻著該撫行地方官察明人戶數目應作何賑卹速議具奏

一地方設官置吏專為愛養民生若因詞訟繁多致良民被陷則其害與貪酷等各省督撫

以下、及有司官員、有妄聽奸人捏詞誣告、貽累善良者、事覺定從重治罪。

一督撫題補官員、受事之後、有更變前操、貪縱虐民者、該督撫體訪得實、即行奏、勿以曾經保舉、曲意徇、如故行隱庇、別經發覺、將該督撫一并從重治罪。

一督撫係封疆大吏、地方利弊、聞見必真、凡關係恤兵利民、籌餉節用事宜、如有確見、著據實條奏、果屬可行、著有成效、即從優擢用。

一兵丁養生、專賴糧餉、各省兵餉、多不實給、以

致兵不精銳應嚴飭各省督撫提鎮不時稽察營兵禁革私獎如有仍前虛冒扣剋不實支給者定從重治罪

一地方災傷已經勘查蠲免賦役者有司不實心奉行仍事濫派及但免有力之家致窮民不沾實惠者事發決不寬貸

一各地有豪紳劣紳衙胥積蠹或私脫本身田地差徭或包攬他人田地徭丁代為規避偏累窮民為害莫甚該督撫行各地方官秉公嚴察如有此等情弊重加懲處

一聞浙江湖州府屬地方米穀失收民多逃散
着遣賢能司官作速賑濟毋致失所

一山東河南二省田水雖有收穫而山東州縣
間被微旱河南所產之米顆粒較小此二省
米穀應留為本地方之用所有應起運漕糧
着折銀解部每省應改折若干石作何定價
該部作速確議具奏

一凡被災地方該管官應照例動支倉糧實心
敬賑毋致失所

一今年內外秋審情真人犯除已完結省分外

其未經具題各案情真者俱得處決緩決者減等矜疑俱照例發落

一濫用非刑久經嚴禁大小衙門有因小事輒用夾審並違例妄動非刑者該督撫察叅具奏從重治罪

一八旂効力行間年老辭職官員已得半俸外如有勞績茂著多得功牌未給半俸者及年尚未老傷廢辭職官員內有多著勞績應得半俸者該都統詳察保送着該部題請

一滿洲兵丁原係披甲効力行間有帶傷殘廢

開住及疾病年老開住者着察加恩賜

一康熙四十八年會試中式進士准加額至三百名五十年鄉試中式舉人大省加十名中省加七名小省加三名

一各省正貢作恩貢次貢作歲貢

一地方有才品優長山林隱逸之士着該督撫核寔具奏酌與錄用

一除革職降級休致回籍人員外地方人才果有才行著聞及學問優長者該撫核實具奏一罰贖積數原以備賑冬月嚴寒恐鰥寡孤獨

貧民無以為生，著直省各督撫令有司務將積穀酌量賑濟，毋令奸民假冒支領。

一天下驛遞苦累，凡乘傳員役橫行騷擾者，該督撫立行奏，如有容隱，一并治罪。

一各處盜賊或為飢寒所累，或為貧官所迫，實有可憫，如能改過就撫者，准赦其罪。

一各處關差如有將不應納稅之物額外橫徵差役四出，分踞津隘擾害商民者，該督撫嚴祭題奏，事情發覺，一并從重治罪。

一各處養濟院所有孤寡孤獨及殘疾無告之

人并一切顛連道路流離失所者有司留心體察以時養贖務俾實有濟益

一雜派預款久已禁革如有地方官沿習陋弊名去寔存者該督撫嚴加察叅若因循察叅曲為庇護若別經糾劾或因事發覺將該督撫一并從重治罪

一逃入事情概准赦免

一凡流徒人犯在流徒處身死其妻子有願携骸骨回籍者該地方官報明該部准其各回

原籍

於戲澄清國本謹萬年久遠之圖誕沛恩膏
九重博大之詔布告天下咸使聞知

康熙四十七年九月 二十四

復立東宮詔

奉

天承運

皇帝詔曰朕惟建立儲嗣承奉宗祧國本攸關元
良自託信能躬躬恭德敦學勤修皇太子胤初
久踐青宮夙標譽望克殫誠孝篤守恪恭不意
忽見迷惑狂易之疾朕深惟

祖宗鴻業及萬邦民生所繫至重不得已而有退廢
之舉事嗣後漸次體訪當國家有此大事性生奸
惡之徒各庇邪黨借端搆譽朕覺其日後必成

亂階遂窮極始末究其情實因而確得病源志
由鎮壓所致亟加除治盡滌前疴累月以來朕
因諸事情籌精神耗損朝夕侍朕左右憂形于
色藥餌必親寢膳必視惟誠惟敬歷久不渝令
德益昭丕基克荷此誠仰賴

上天垂庥

列祖篤祐以默相我國家于有永者也茲特祭告

天地

宗廟

社稷載行典禮於康熙四十八年三月初十日授以

冊寶復立為皇太子正位東宮用洽四海之人
心茂行萬年之膺服聿成慶典宜沛洪恩所有
事宜開列於後

一五嶽四瀆長白山等祀應遣官致祭著察例
舉行

一歷代帝王陵寢先師孔子闕里應遣官致祭
著察例舉行

一歷代帝王陵寢有毀壞者該督撫察明具奏
修葺

一小民生養係乎官吏公清獎勵廉潔正己拯

卹百姓嗣後各部院及總督巡撫應不時將
所屬官員有操守廉潔衆所共知者據寔舉
出奏聞朕必加試用如所行果寔則所薦之
人亦加優叙但不得妄將全無寔行及所知
不確人員輕率具奏

一今海宇承平各省兵丁無有効力之處惟西
寧肅州總兵所轄營兵馬匹及奉差大臣章
京筆帖式撥什庫偵探迤西剛望阿拉布坦
一帶地方往來乘用絡繹不絕在官兵欲報
朕平日愛養之恩雖絕無怨言而朕心深切

軫念或應加恩兵丁或將需用之物另行措
辦俾窮兵受益該地方總督巡撫提督總兵
官會同速議具奏

一沿海官兵定期出洋搜緝盜賊苦勞頻仍其
出洋船隻暨官兵數目並巡哨幾次有擒獲
盜賊及身被損傷者按次明晰具奏此內或
因議叙或應加恤朕酌發諭旨

一督撫為封疆大吏地方利弊聞見必真凡閔
籌餉節用及一切裨益兵民事宜如有確見
着據實條奏果有可行著有成效即從優擢

用、

一地方災傷已經察勘、蠲免賦役者、有司不遵、仍行濫派于民、及但免有力之家、致窮民不沾實惠者、事發決不饒恕

一天下驛遞苦累、凡乘傳員役、騷擾驛遞者、着該督撫立行叅奏、如有容隱、一併治罪

一軍民年七十以上者、許一丁侍養、免其雜派、差徭、八十以上者、給典絹一尺、綿一觔、米一石、肉十觔、九十以上者、倍之、至百歲者、題明給興建坊銀兩

一孝子順孫、義夫節婦、該地方官核實具奏、題請旌表

一地方有才品優長、山林隱逸之士、着該省督撫核實具奏、酌與錄用

一凡官吏兵民人等、有犯除謀反叛逆、子孫殺祖父母、父母內亂、妻妾殺夫、告夫、奴婢殺家長、殺一家非死罪三人、採生折割人、謀殺故殺、蓋毒、魔魅、毒藥殺人、強盜故言、十惡等真正死罪、不赦外、及修造宮殿陵寢工程不固、冒破錢糧、修造戰船、軍器等項、不堪用、糜費

錢糧軍機獲罪貪官衙役犯贓監守自盜冒
借官庫銀兩拖欠錢糧漕糧侵盜漕糧騷擾
驛遞奸細光棍誣告叛逆放火因姦致死人
命干係私刑人參罪犯亦在不赦別項死罪
俱減一等此內有鬪毆殺人者仍照例追銀
四十兩給付死者之家其餘自康熙四十八
年三月十一日昧爽以前已發覺未發覺已
結正未結正咸赦除之

一各處盜賊或為飢寒所累或為貪官所迫實
有可憫如能改過就撫者准赦其罪

一河道漕糧關係甚大所關河漕一應情罪俱不赦免

一凡有叛逆殺死人強盜牽連對質候審監禁人犯在犯年久恐無辜致死該部院直省督撫雖審如無憑質對情可矜疑者即行奏請

釋放

於戲春陽布陽協氣溢于宮闈海潤流膏恩波遍于寰宇布告中外咸使聞知

康熙四十八年三月 十一

再廢東宮詔

奉

天承運

皇帝詔曰朕膺統緒五十餘年宵旰孳孳不敢暇逸惟以不克仰承

上天之眷佑至顯

祖考之鴻庥為懼在位彌久惕勵彌深此內外臣工海寓黎庶之所共諒也緬維

累朝創造大業之艱主器承祧所繫綦重如朕憂勞無間晷刻猶且若涉淵冰慮罔攸濟胤初向以

狂惑成疾雖獲丕基已於康熙四十七年九月
十八日特行廢黜嗣乃重念父子之恩冀其悔
心易行胤初亦當衆矢誓痛改前愆因釋其禁
羈後行冊立誰意年來狂疾益增罪尤日積昏
暴借越罔有悛心朕念

天地

祖宗付託之重四海人民屬望之殷如胤初者既不
率誨而忝青宮何以篤祐而對天下仍行廢黜
加以禁錮既以諏日祭告

天地

太廟

社稷是用特申廢黜之由、宣示中外、書不云采一人
元良、萬邦以貞、澄清國本、真德年垂裕之圖式
渙綸音、愜之百姓具瞻之願、布告天下、咸使聞
知、

康熙五十一年十月

二十八

日

六旬

聖壽恩詔

奉

天承運

皇帝詔曰朕五十餘年上畏下懼以故以誠辨忠
上理且一心對越

上帝未嘗瞬息稍懈賴

昊穹之孚祐

祖宗之隆庇邇來國家蓄積有餘民間年豐順豐朕

以涼德勉惟

列聖體天順公

道

慮患撮心敦景運於休期洪基業於

光顯夙夜冰兢宵旰靡遑屈指春秋年屆六旬
矣覽自秦漢以下稱帝者一百九十有三享祚
綿長無如朕之久者朕之虛薄良深歉仄何敢
少有愆怠有負孜孜圖治之初心况在位久者
始勤終怠往往不能令名於後所以乾惕之懷
彌殷深危自之念愈切兼之冰平歲久幅員日廣
戶口漸增風俗益薄朕與臣隣夙夜在茲以剛
健中正博大成祿謙尊有終持盈保泰猶恐未
能豈自滿假少有逸豫朕以天下為心天下當

亦體朕之衷，各夫董誠，皆得孝敬，型仁講讓，守已奉公，務勤職業，官僚各勸，人士奮興，使遐邇之均被，小大之咸周，以享昇平之福，此非朕之德，乃

天地

祖宗之賜，今朕式慰中外臣民之情，博考典禮，大沛膏澤，用稱朕躋世於仁壽之至意，所有應行事，宜開列于後

一五嶽四瀆等祀，遣官致祭，著照舊例舉行

一歷代帝王陵寢，先師孔子闕里，應遣官致祭

着察例舉行

一凡嶽鎮海濱廟宇有傾頽者該地方官估計價值具奏修葺以昭誠敬

一歷代帝王陵寢有毀壞者該督撫察明具奏修葺

陵寢官員兵丁執事人等俱加恩賜

一自王以下宗室覺羅十五歲以上者俱加恩賜

一內外大小各官除各以現在品級已得封贈

外凡陞級及改任者着照新銜封贈

一在京漢滿文官四品以上在外三品以上武官在京在外二品以上各送一子入監讀書

一在京滿漢文官五品以上以下在外文官四品以下在京武官三品以下在外武官亦三品以下俱各加一級

一內外文武官員除大軍計政處分外現在議草議降議罰戴罪住俸等項各該衙門悉與奏明寬宥

一凡文武官員現在勅督撫提問完擬者盡與

釋放、

一內外降級罰俸等官俱着開復調用者仍照原議調用

一先年出征人內有功牌應得官時除低軍罪外其守雲南城及在隴州控告不准敘用人等所存無幾今青年老邁不敢効力茲遇覃恩着兵部查驗仍行補放

一昔年存亡之秋在在用兵朕所親歷令雖承平而武備不可不謹故時加訓練八旗兵丁盡已精銳茲特大沛恩賜設軍校前軍及後

軍各賞給一年錢糧。撥什庫披甲人各賞半年錢糧。外省駐防之兵亦照此例。

一年尚未老傷廢辭職官員及傷廢退甲兵丁着給錢糧米石。

一滿洲兵丁原係披甲効行間因疾病年老閑住者着察加恩賜。

一各直省綠旗兵丁俱應加賞賚者着議奏。

一海宇承平已久戶口日繁地畝並未加廣宜施寬大之恩並享恬熙之樂嗣後直隸及各省地方官遇編審之期察加增益人丁止將

寔數另造清冊奏聞其徵收錢糧但據康熙五十年丁冊定為常額續生人丁永不加賦仍不許有司於造冊之時藉端需索用副朕休養生息之意

一天下地丁錢糧既沛恩澤于三年內悉與豁免其自京城及各省房地租稅多係貧民賃佃官地棲身營業宜併蠲恤以覃恩惠著察明京城內并各省每年地租額數于康熙五十三年豁免一年其歷年逋欠若干一并察明免其追補

一八旗滿洲蒙古漢軍兵丁及內查薩克喀爾喀等蒙古年七十八十九十以上者分別賞賚至百歲者題明給興建坊銀兩

一軍民年七十以上者許一丁侍養免其雜派差役八十以上者給典絹一疋綿一觔米一石肉十觔九十以上者倍之至百歲者題明給興建坊銀兩

一督撫係封疆大吏地方利弊聞見必真凡關係籌餉節用裨益兵民事宜如有確見着據實條奏果屬可行著有成效即從優擢用

一督撫題補各官原從地方需才起見或受任
之後有行事乖張貪縱虐民者該督撫不時
體據察寔奏奏勿得以曾經保舉察顧偏徇如
故為隱庇別經發覺將該督撫一併從重治
罪

一地方大小官員當以仁慈為本妄聽奸民捏
詞誣告以致陷害良民其害更甚於貪如各
省督撫以下及有司官員有濫受詞狀貽累
善良者事覺定從重治罪

一各處閩差將有將不應納稅之物額外橫徵

差役四出分踞津區擾害商民者該督撫據
寔題奏若不行題奏事情發覺一併從重治
罪

一雜派項款永行禁革以安民生該督撫嚴察
禁革如有仍前濫徵者或經奏或被發覺
定行從重治罪

一濫用重刑舊有嚴禁有司官負有因小事報
行夾訊並違例用非刑者該督撫即行奏
具奏從重治罪

一恤兵原以為民兵丁專賴糧餉養生天下兵

餉皆不實給以致兵不精銳且致夫所應廉
行申飭着各督提鎮不時稽查禁革如有仍
仍前虛冒扣剋不遵行支給者定行從重治
罪

一國子監監生免坐監一個月

一各省儒學以正貢作恩貢次貢作歲貢

一地方有山林隱逸懷才抱德之士着該督撫
核實具奏酌與錄用

一滿漢孝子順孫義夫節婦該管官細加訪
確具事實奏聞禮部核實以憑旌表

一除革職降級休致回籍外地方人才果有品行著聞及學問優長者著該督撫核實舉具奏

一罰贖積穀原以脩賑冬月嚴寒恐錄寡孤獨貧民無以為生著直隸各省督撫責令有司官將積穀酌量賑濟毋令奸民假冒支領

一各處養濟院所有鰥寡孤獨及殘疾無告之人有心留心以時養贍毋致失所

一天下驛逆苦累凡乘傳員役擾騷驛逆者著該督撫立行恭奏如有容隱一併治罪

一各省會設兵處所有等奸民做充兵丁混入
營內務告夥証拖累小民甚有借通賊為名
抄掠旋資尤為大害該將軍督提鎮嚴行約
束務絕弊端如有徇隱不完一體定行從重
治罪

一各地方有豪紳劣衿衙胥積蠹或充本身田
地差徭或包攬他人田地徭丁代為規避偏
累窮民莫此為甚該督撫行各地方官秉公
嚴察如有此等情弊重加懲處

一官役犯贓罪應至死與不至死者俱免罪仍

草職革役追贓永不叙用

一凡有叛逆殺人強盜等罪牽連對質候審監禁人犯在獄年久恐無辜致死該部院直省督撫確審如無兇質對情可矜疑者即行奏請釋放

一凡應追贓私察果家產盡絕力不能究完者與豁免毋得株連親族

一凡強盜雖同夥殺人本人未經下手者自行投首准予免罪

一各處盜賊或為飢寒所累或為貪官所迫是

有可憫如能改過就撫者准赦其罪

一除謀殺故殺外如原無仇隙偶因一時忿激相毆傷重致死者將兇犯免死杖一百照例追銀四十兩給付死之家屬

一凡官吏兵民人等有犯除謀反叛逆子孫故祖父母父母內亂妻妾殺夫告夫奴婢殺家長故一家非死罪三人採生折割人謀殺故殺、盡毒覺魅毒藥殺人強盜妖言十惡等真正死罪不赦外及修造宮殿陵寢工程不固冒破錢糧製造戰船軍器等項不堪用靡費

錢糧軍機獲罪、貪官衙役、犯贓盜、守白盜、冒
借官庫銀兩、侵盜漕糧、科場罪案、關係河道
漕運、一應情罪、俱不准赦、騷擾驛遞、奸細光
棍、誣告叛逆、放火因姦、致死人命、罪犯、亦在
不赦、別項死罪、俱減一等、內有關啟赦人者、
仍照例追銀四十兩、給付死者之家、其餘自
康熙五十二年三月十八日昧爽以前、已發
覺未發覺、已給正、未結正、咸赦除之、有以赦
前事告、奸者、以其罪罪之、

於戲、錫民以福、為皇極得壽之徵、御衆以寬、乃

萬國咸寧之本布告天下咸使聞知

康熙五十二年三月

十八

日

皇太后遺詔

仁憲恪順誠惠純淑端禧皇太后誥曰予以藐
德幼侍奉

世祖章皇帝贊助內德方期免勉以紹前人徽音不

幸薄祐祐值

章皇帝仙馭早賓哀痛推斷願以身殉維時

太皇太后春秋高幼今皇帝正在冲齡諸王大臣合

詞懇請謂宜勉自捐哀上慰

太皇太后之心次為皇帝聖躬調護遂以義抑情苟

延歲月皇帝內秉誠孝外勤政務雖當削逆平亂

之際羽檄交馳而視膳問安之節始終無間暨
乎天下大定四海一家民物豐樂予甚慰焉或
聖帝巡幸畿甸猶恐久曠晨昏必以安車敦請
散日游懷帳殿行宮溫清彌篤予優游而受孝
養者五十餘年歷稽史冊未有福壽全備如斯
者今年七十有七適當寢疾皇帝寢食俱捐哀
誠祈禱顧惟大期將盡遂及彌留環顧海宇雍
熙既無遺恨而得上從

世祖章皇帝于天庑素心亦恒矣皇帝當念大孝尊
親既極隆備勿至哀毀過度反傷冥冥之心勉强自

愛以

宗社人民為重中外文武羣臣宜恪共履職以贊休
明至喪制悉遵典禮成服後三日皇帝即行聽
政其將服依

世祖章皇帝遺詔以日易月二十七日而除
天地

宗廟大祭及

社稷百神群祀俱照常行禮不可以藐躬稽廢故茲誥
諭其各遵行

康熙五十六年十二月

初六

上

孝惠章皇后尊謚升祔詔

奉

天承運

皇帝詔曰朕惟善必歸親戚稱允符乎盛德禮先
報本孝思尤切于明禋脩隆廟享之儀普洽海
隅之慶舊章伊在鉅典為昭欽惟

皇妣皇太后

正位坤儀

作配乾極允贊我

皇考世祖章皇帝外啟

皇圖之式廓內彰壹教之懋修性秉懋誠奉

文母于壽考維祺之日思隆聖善冀_統躬躬於寰區永

謚之時止_考止_本意化覃九有克宮克儉慶衍六

宮緬維六十餘載之深仁宜崇億萬斯年之

鴻號博諮輿論虔考隆儀祇告

天地

宗廟

社稷于康熙五十七年十二月十二日率諸王貝勒

文武群臣恭奉冊寶上

尊謚曰

孝忠仁憲端懿純德順天翼聖章皇后十二月十六

日升祔

太廟既表尊親之大謚當施逮下之洪仁所有事宜

開列於後

一古來地方變亂多事小民不得安業皆因下
情不能上達之故即如河南亮犯亢珽某授
害地方湖廣奸宄捏造妖言煽惑劫擄江南
起蛟陝西地震等事朕得聞知即遣大臣審
理完結賑救倘朕不預聞何由而知且直隸

各省兵丁空糧甚多。養兵原以備用。設平時
虛兵冒餉。不行訓練。臨時欲用。縱募兵累萬。
亦屬無濟。此皆武官不職所致。至各省文官。
私派加耗。尤足大害民生。似此有闕地方事
務。及文武官員賢否之處。爾堵臣何嘗不知。
鄰省大吏亦未嘗不知。皆因彼此有所掣肘。
互相隱瞞。不肯奏聞。如此何以防微杜漸。嗣
後衆大臣九卿科道官員。凡有闕地方事務。
及文武官員賢否。隨聞隨即繕摺密奏。若所
聞未確。即稱臣所聞未確。一併聲明。如此則

地方官員皆知畏懼改過而於民生大有裨益矣。朕為此前以屢有諭旨嗣後如有所聞假為不知隱瞞不肯奏聞者。臣若查出必從重治罪斷不寬恕。

一雖派項款應永行禁革以安民生向聞直省有司假借名色橫行濫派數倍正項以致小民苦累其不肖官員以額外私徵糾劾者甚少嗣後着各督撫嚴察禁革以紓民困如有仍前濫徵者或經奏或被發覺定行從重治罪。

一地方灾傷已經祭勸蠲免賦役者有司不遵仍行濫派及但免有力之家致窮民不沾實惠者事發決不饒恕

一凡官吏兵民人等有犯除謀反叛逆子孫殺祖父母父母內亂妻妾殺夫告夫奴婢殺家長殺一家非死罪三人採生折割人謀殺故殺、蝨毒壓魅毒藥殺人強盜妖言十惡等真正死罪不赦外其謀反叛逆犯人妻子妾女家產應入官及父母祖孫兄弟應流徙及修造宮殿陵寢冒破錢糧工程不固修築河工

不得堅固，侵冒錢糧，失陷城池，行間獲罪官
吏衙役，枉法賍，監守自盜，叛逆財產人口，侵
蝕入己，發掘坟墓，奴僕毆打家長，畧賣人口，
光棍及拖欠錢糧，拖欠漕糧，員役侵盜漕糧，
員役一應議處，各官亦俱不赦，其餘自康熙
五十七年十二月十七日昧爽已前已發覺，
未發覺已結正未結正，咸赦除之，有已赦前
事事告訐者，以其罪罪之。

一京師及直省監禁緩決，及秋後處決人犯甚
多，已經緩決，斷不致死，遲至年久，仍然得出。

若久行監禁不但患病死亡且獄中人犯亦漸增多甚屬可矜在京併直省緩決人犯將情罪查明分別情罪之重輕議奏其未入秋審之秋後人犯內如果情有可矜亦着減等具奏此等入犯作何分別減等完結之處該部作速查明具奏

一毆打受傷至保辜限外身死者部內奏明緣由兩行請旨其有當時不曾殞命越數日或因傷風而死或因他病而死將毆打之人議抵情屬可矜除執兇器毆有致命重傷或金

及連戮數處者仍照例議抵外如原被毆傷
輕不致于死後因傷風而死或因他病而死
者將毆打之人免其抵償照例減等發如有
毆傷致死而捏報傷風及他病死者將承審
官及按察司該督撫作何分別嚴加議處之
處一併議奏

一滿洲兵丁披甲隨征多年效力被傷不能被
甲及年老有病退閒者俱酌給賞資

一恤兵原以為民兵丁專賴糧餉養生天下兵
餉皆不實給以致兵不精銳且致失所應嚴

行中飭着各督撫提鎮不時稽察禁革如有仍前虛冒扣剋不寔行支給者定行從重治罪

一地方有才品優長山林隱逸之士着該督撫核實具奏酌與錄用

一五嶽四瀆等祀應遣官致祭着察例舉行

一國子監監生及教習俱免監期一個月

一各處養濟院所有鰥寡孤獨及殘疾無告之人有司留心以時養贍毋致失所

一官後犯贓罪應至死與不至死者俱免罪仍

革職革後追贖永不叙用

一盜賊多因飢寒失業或為貪官苛虐所迫詣書到日雖係首惡若能率黨投首悉免其罪兵收入伍民收入籍務使得所有能擒捕首惡及黨內首告者論功授職給賞如有將投首之人違執圖功者治以重罪

一歷代帝王陵寢先師孔子闕里應遣官致祭着察例舉行

一八旂貧苦孤獨無有生業者應察明恩養着該部議奏

於戲

九廟薦祭盡一人之孝享百禮既洽萃萬國之歡心
澤被敷天思霑率土布告中外咸使聞知

康熙五十七年十二月

十七

日

聖祖仁皇帝遺詔

奉

天承運

皇帝詔曰：從來帝王之治天下，未嘗不以教

天法

祖為首務，故

天法

祖之實在，素遠能通，休養蒼生，共四海之利，為利一

天下之心為心，保邦於未亂，致治於未亂，夙夜

孜孜，寤寐不忘，為久遠之圖，庶乎近之。今朕年

局七旬、在位六十一年實賴

天地

宗社之默佑、非朕涼德之所致也。歷觀史冊、自黃帝

甲子、迄今四千三百五十餘年、共三百一帝、如

朕在位之久者甚少、朕臨御至二十年時、不敢

逆料至三十年、三十年時、不敢逆料至四十年、

今已六十一年矣、尚書洪範所載一曰壽、二曰

富、三曰攸康寧、四曰攸好德、五曰考終命、五福

以考終命、列于第五者、誠以其難得者也、今朕

年已登耆、富有四海、子孫百五十餘人、天下安

樂朕之福亦云厚矣。即或不虞心亦泰然。念
自御極以來。雖不敢自謂能移風移俗。家給人
足。上擬三代明聖之主。而欲致海宇昇平。人民
樂業。孜孜汲汲。小心敬慎。夙夜不遑。未嘗稍懈。
數十年來。殫心竭力。有如一日。此豈僅勞苦二
字所能該括耶。前代帝王。或享年不永。史論概
以為酒色所致。此皆書生好為譏評。雖純全盡
美之君。必抉摘瑕疵。朕今為前代帝王。剖白言之。
蓋由天下事繁。不勝勞憊之所致也。諸葛亮云。
鞠躬盡瘁。死而後已。為人臣者。惟諸葛亮能如

此耳。若帝王仔肩甚重，無可旁談。豈臣下所可
比做？臣下可仕則仕，可止則止。年老致政而歸，
抱子弄孫，猶得優游自適。為君者勤劬一生了，
無休息之日。如舜雖稱無為而治，然身沒於蒼
梧，禹乘四載，胼手胝足，終於會稽，似此皆勤勞
政治。巡行周歷，不遑寧處，豈可謂之崇尚無為。
清靜自持乎？易避卦六爻，未嘗言及人主之事。
可見人主原無宴息之地。可以退藏，鞠躬盡瘁。
誠謂此也。自古得天下之正，莫如我朝。

太祖

太宗初無取天下之心常音兵及京城諸大臣咸云當取

太宗皇帝曰明興我國素非和好今欲取之甚易但念中國之主不忍取也後流賊李自成攻破京城崇禎自縊臣民相率來迎乃剪滅閹寇入承大統稽查典禮安奠崇禎昔漢高祖係泗上亭長明太祖一皇覺寺僧項羽起兵攻秦而天下率歸于漢元末陳友諒等蜂起而天下率歸於明我朝承席

先烈應

天順人。撫有區宇。以此見亂臣賊子。無非為真主驅除也。凡帝王自有天命。應享壽考者。不能使之不享壽考。應享太平者。不能使之不享太平。朕自幼讀書於古今道理。粗能通曉。又年力盛時。能彎十五力弓。發十三把箭。用兵臨戎之事。皆所優為。然平生未嘗妄殺一人。平定三藩。掃清漠北。皆出一心運籌。戶部帑金。非用師賑飢。未嘗妄費。謂皆小民脂膏。故也。所有巡狩行宮。不施采繒。每處所費。不過一二萬金。較之河工。歲費三百餘萬。尚不及百分之一。昔梁武帝亦創

業英雄，後至臺年為侯景所迫，遂有臺城之禍。隋文帝亦開創之主，不能預知其子煬帝之患，卒致不克，令終皆由辨之不早也。朕之子孫百有餘人，朕年已七十，諸王大臣官負軍民以及蒙古人等，無不愛惜。朕年邁之人，今雖以壽終，朕亦愉快至。

太祖皇帝之子禮親王饒餘王之子孫，現今俱各安全。朕身後爾等若能協心保全，朕亦欣然安逝。雍親王皇四子世宗廟輝，人品貴重，深肖朕躬，必能克承大統，著繼朕登基，即皇帝位，即遵典制持

服二十七日釋服布告中外咸使聞知

康熙六十一年十一月

十三

日